

421
91



QUÆSTIO MEDICA,

CARDINALITIIS DISPUTATIONIBUS,
*manè discutienda, in Scholis Medicorum, die Jovis
vigesiâ-primâ Martii.*

M. RAYMUNDO FINOT, Doctore
Medico, Præsîde.

An frequens cæli mutatio salubris?

L.

AER commune vitæ pabulum, quo uno vigent cuncta. Tardum dictu utile sit magis an necessarium? Sua sunt panis & aquæ, sua alimentorum supplementa, aëris nulla. Somni quoque vices aliquatenus pensat theæ potus; leprosos videas carere sensu hospite vitâ, motu paralyticos, sanâ mente permultos, crudos non paucos in quibus tota fere perit coquendi virtus, jugi diarrhæâ, quotidianò vomitu, alios macie confici, corpus, non vitam amittentes. Unius respirationis æqua semper necessitas, cæteris functionibus vita adjuvatur, hæc continetur. Functiones à spiritibus, & concinnâ partium structurâ, has inter eminet pulmo, hujus sit an cordis necessitas major? incertum. Avulso corde ranas saltare, serpentes moveri constat, latrat canis, seseque in pedes conjicit; quin & hac parte exenteratum hominem ad Deum preces fudisse perhibent, non ita de animalibus Machinâ Pneumaticâ inclusis, quæ aëre defecta mox glebarum instar immota jacent, vitam quam inspiratione acceperant, celeri expiratione redditura. Qui studiorum amœnitates quarunt, totum id in aëre virtutis, spiritui nitrosalino, sulphureisque particulis referunt acceperunt, jucundè magis quam utiliter; quis enim à peregrinis aëris dotibus vitæ munia repetat? aut quibus argumentis genuinam aëris naturam assequatur? hic cæcutiunt oculi, deficit palatum, fallitur odoratus, hebescent sensus omnes medicorum fiducia, ut mirum videri possit, tria hæc habita veteribus principia, sine sapore esse, sine odore, sine succo, aquas, aëra, ignes. Verius dicam, sola aëris vis elastica tot observationibus intellecta tot experimentis fulcita, abunde & sanitatis & vitæ causas aperit.

PER volubiles sanguinis globulos infusus aër, spiritu pragnans, dum eâ quâ pollet partium tenuitate, penitiores illius porulos opplet, arctè compressus resilit, resiliunt & actuosæ sanguinis particule vicissim compressæ; ut hoc mutuo Eluctantium partium dissidio, ceu Elaterum turbâ succussus sanguis, velut oscillatione quadam tumens, vicissimque depressus in se agatur, cordis & arteriarum ictu reciproco in orbem ducendus. Hâc gemini motûs perennitate stat vita, chylus veluti pistillis subactus colliquefeit, evchitur in sanguinem, nitescent succi, vigent spiritus, functionum series æquabilis. Majores adhuc aëris vires quærit? animali recens suffocato insufflatus in canalem thoracicum aër, sic vitæ gubernacula temperat, ut pro aëris modulo, pulset cor, & vita revocetur. Quin & miasmata quibus inquinatus aër lucem spargit, eundem salutis & vitæ præsidem arguunt, arguunt terrarum tractusque maris, quos habent Syria & Ægyptus, arguunt febribus obnoxii, indorum plagæ pestilentes. Sic Polonos Plica, Ægyptios Elephantiasis, Rachitis Anglos, Americanos venerea lues inficit; sed & occultam mirare regionum idiosyncrasiam; Ex insulis alias habes, quæ mulieres, alias quæ viros necare amant; alterum alit prodigii genus monstrorum ferax Affrica, ubi plagam videre est, cui indigenarum mors in usu est, advenarum salus in pretio: illic enim ex Lusitanis loci viris, vix quinquagenarios, ex hospitibus, modo Æthyopes fuerint, etiam centenarios facile reperias. Nec à vero alienum est ad aëris temperiem ingenia, mores, corpusque fingi; hinc Germania fortes, Graves Hispania, Polonia nobiles, Anglia industrios, Quæstuarios Batavia, felicia omni ex parte ingenia, Gallia profert. Scilicet aëri spiritus congeneres; ut quæ spiritibus affinia sunt, aëri respondeant, adeo subtilia sunt aut vaporosa: sic salia volatilia reparant spiritus, colligunt vires, vinum fugat syncopen vel naribus admotum. Vice versâ male sano aëri consonant quæ spiritibus inimica; sic mustacei vapores, carbonum halitus, spiritus pessundant: nec minor aëris in sanguinem potestas, qui ceu morbida labis oblitus, coccineum & grate rubentem, aëris accessione, colorem induit etiam in vasculis.

I I I.

SED salutaria aëris commoda mire juvat cæli mutatio. Homo nasciturus à morbo vitam inceperat; quoniam enim alio nomine indigitares partûs & parientis molestias; sed has invexit aëris alterandi necessitas; loci mutatione primus fit ad vitam progressus. Scilicet! assidua ejusdem aëris consuetudo aut noxam affert, aut fastidium. Fracti usu continuo aëris elateres fatiscunt, cumque semel subiere pulmones, victi jam ac remissiores, nec sanguinem subigere, nec spirituum generationem promovere possunt: hinc interruptæ functiones, omniumque languor & inertia. Num hac de causa vetularum

3
halitibus infantes contabescunt? Effœtus scilicet repetitis haustibus
aër, aut inutilis, aut inimicus. Contra alternâ locorum vicissitudine,
novo jugice semper auræ prædivitis appulsu, spirituum cum perniti-
tate ubertas, cuncta facile permeando bonis omnibus sanitatem cum-
mulat: Instituto naturæ congruit cœli mutandi necessitas; quorsum
enim tam multiplices temporum mutationes? nubila, innubila tem-
peraturæ cœli, apricitas, procelle, imbres, si una cœli facies ad vi-
tam satis esset: quo tonitruum fragores, fulgurum eclampsus? nisi aëri
immutando explodendove? quo tam ordinatæ anni tempestatum vi-
cissitudines? nisi novo identidem aëri hominibus advehendo: hinc si
suas alternare vices omiserint, mille proferunt morborum genera:
eodem collimant multiplex ventorum varietas, ortusque solis & oc-
casus. Scilicet ut vel immotis hominum sedibus jugiter mutaretur
cœli facies: nec aliud suadere potest aëris indoles, quem adeo vo-
lubilem natura fecit, ut sponte suâ ventorum mutationibus obscuran-
daret: quemadmodum enim dapibus saluberrimis exsurdatus stoma-
chus, insueris licet deterioribus pervelli amat; sic ad sanitatem facit
locorum & cœli etiam in deterius mutatio: pessimum cœlum quod fecit
ægrorum; inde phthysicorum, asthmaticorum, & hystericarum non-
nullis auxilio est etiam crassior aër, nocet liquidior.

I V.

QUOD vitii obnoxius sit aër nemo non novit. An hæc illi con-
tingunt à propriâ principiorum antipraxia? An ab occultis mias-
matis? Sicut enim optima hominis temperies sensim deteritur, ita
temporum lapsu vitium facit melior cœli temperatura: hinc aërem à
primigeniâ virtute descivisse non ita à ratione alienum, hoc argu-
mento quod à diluvio longe brevior facta sit hominum ætas: ut ut
sit, arcana aëris vitia produunt ea rura, ubi si diutius moram fece-
ris, statim iniqua surgit valetudo, quæ si mutaveris pristina re-
dit sanitas. Sed ex aporrhæis sæpius repetenda esse aëris inquana-
menta certo certius est; ejus sunt sortis halitus, qui terræ motus &
chasmata sequuntur, imo & sine ullo telluris hiati aut concussione,
interdum sese efferrunt effluvia quæ aërem derepente vencent: sic
Oxoniæ pestilentis auræ subito afflatu trecentos & amplius Anglos ene-
catos memoriæ proditum est: cespitis fumum phthysicis auxiliari fe-
runt, ut regiones in quibus cespites comburi solent; phthysicis va-
cent. Tot mala securius tutiusque emendabit cœli mutatio: hac arte
renovatus, quo vivimus spiritus, imminentes morbi causas velut in
embryo comprimet, inustamque serpentis mali labem, aliàs inclubi-
lem debilit: sic urbium incommodis quæsitâ olim curiosè medi-
cina hortulis, villis, rure suburbano; vice versâ videas hodie studio-
sos, literatos, libris impallentes, mulieres, & quotquot desidem
agunt vitam, fluxis adeo resolutisque viribus; nec aliunde major tot
causariorum, rheumaticorum, arthriticorum, hystericarum seges; Ex

quo sedes alternare cessatum est,⁴ macies & nova febrium terris incubuit cohors, semotique prius tarda necessitas lethi corripuit gradum. Recens enim prorufusque novus aër, nativâ virtute dives, ævo longiori solus olim par erat, qui nunc velut effœtus & quasi senio quodam exsuccior, mutari postulat, ut quidquid antiquæ virtutis residuum, per varia loca disseminatum adhuc retinuit, hauriri possit.

V.

POSTHAC cœli mutandi necessitatem quis negaverit? aut quis non potius in deliciis habeat facilem adeo & parabilem prorogandæ vitæ legem, quæ, dum mentem & sensus acuit, corpus & animum exhilarat, nec suis partibus deerunt musarum cultores avari, aut rerum gravissimarum administri, si hoc usurpent sanitatis tuendæ per-fugium, amant alterna camænæ, ipsaque negotia juvat ejusmodi animi laxamentum amara curarum eluere efficax; quantum addit ad vitam animi tranquillitas, tantum detrahit nimia corporis inertia: Ea nimirum est hominis vitæ conditio ut illi identidem sit mutanda tellus, ne diutius eundem sorbens aërem, lentum hauriat venenum; simili ratione non ventilatus aër indubitatæ mortis inspirat causas; sic in Affricanis littoribus familiares sunt tranquillæ tempestates, *versuinas* vocant, tractuum illorum incolis graves; pari de causa longiori malaciâ, nautæ languent, donec aëre viribusque defecti pereant; hæc contingant necesse est, quoties torpentis aëris elateres aut nimia humiditate terrarumve expirationibus emolliti, aut longâ intermissione fracti, suo deserint officio. Sic puteis & specubus diu conclusus aër incautos perimit: hæc illa est ad vitam sic comparata cœli mutatio, ut conclamatis ferè sanitatis rebus velut ultima perituris supersit in naufragio tabula. Ad tabias phthisicos & asthmaticos relegabant Romanorum Medici; serenum aliis Ægypti aërem suadebant. Tabi Anglorum flagello medetur Gallicanus aër: adeo omnibus utile est, insensum nemini modo in agro, modo in urbe esse, sæpius in agro. His concipit nautarum experientia quos morti vicinos exfensione factâ convaluisse constat. Scilicet non idem est maris & terrarum aër. Sic si littoribus suis decesserint scorbutici, evadunt: colicos dolores etiam contumacissimos solvit factum ad milliaria aliquot equo rhedave iter. Solenne denique pancrestion est patria terra, adeo sanitatem fovet aut restituit cœli mutatio.

Ergo frequens cœli mutatio salubris.

Proponcbat Parisiis PHILIPPUS BERNARDUS
DE BORDEGARAYE, Parisinus, Baccalaureus
Medicus. A. R. S. H. 1697.

Apud Franciscum Muguet, Regis & Facultatis Medicinæ Typographum.